

Omoroberio o Nyasae Bwogotooreka

Ogochakera

Ebiblia nigo ere maiso marore ng'a nabo okomanya ng'a ekeru orakwe aye nogende igoro. Riborio neri ng'a aye mbwegenete eki Nyasae agoteba ase ring'ana riaye?

1 Yohana 5:13 “Nabarikirie inwe amang'ana aya, erinde momanye ng'a more nobogima bwa kare na kare, inwe abwo mwariegenire erieta rio Omwana O Nyasae.”

1. Twensi na banyabibe!

Teri akong'u gwancherana ng'a intwe twensi twakorire amang'ana aya tomanyete ng'a tari aya boronge, korende nonya nabo ntogendererete koyakora. Ayio nigo akorokwa ebibe! Twensi nigo tore n'okomocha kwogokora aya korwa ekeru gi'okoiborwa gwaito.

Aba Rumi 5:12 As'ayio buna as'omonto oyomo ebibe bigasoa as'ense, nas'ebibe ebio amakweri; naboigo amakweri akabaikera abanto bonsi, naki bonsi bakorire ebibe; —

Abarumi 14:12 "Ase igo, kera omonto ore ase egati yaito nache gwekwanera ere omonyene as'obosio bwa Nyasaye.

Aba Rumi 3:23 “Ekiagera bonsi bakorire ebibe, na baremeirwe nobonene bwa Nyasae.”

Aba Rumi 3:10 “Buna erikire ng'a, “Onde tari omonyene oboronge, nonya noyomo.”



Twensi nabanyabibe!

II Ekebe nkebwate eng'eria yaye!

Aba Rumi 6:23 “Naki eng'eria y'ebibe namakweri; korende ekeegwa kia Nyasaye nobogima bwa kare nakare ase Yesu Kristo Omonene oito.”

Okomaanoka 21:8 “Korende aboba, na abatari abagenwa, na abagechi, na abaiti, na abatomani, na abarogi, na abasasimi emekwekano na abanyaborimo bonsi, ensemu yabo nebe ase enyancha egwoka omorero nekebiriti. Aya naro amakweri a kabere.”

Okomanoka 20:12-15

12 Nkarora abakure abanene n'abake, bateneine as'obosio bwa Nyasaye; chibuku chikamanorwa: ebuku ende ekamanorwa ere y'obogima; ebitondo bikagambigwa as'amang'ana arikire ase chibuku, koreng'ana nogokora kwabo.

13 Enyancha ekabirusia ebitondo bire ime yaye, Amakweri ne chimbera chikabirusia ebitondo bire ime yabo: bakagambigwa ker'omonto koreng'ana nogokora kwabo.

14 Amakweri ne chimbera chigatugutwa ase riria riera ri'omorero. Aya naro amakweri akabere, engecho yaye enyancha y'omorero.

15 Na kerabe omonto tarorekaneti orikire as'ebuku y'obogima, narutwe ase riera riria ri'omorero.

III Kristo agakwa asengencho ye'bibe biaito.

Romans 5:6 Naki rigoro twarenge intwe to tarenge nechinguru, erio ekero giaigete, Kristo agakwa as'engecho y'abanyene ebibe.

Aba Rumi 5:8 “Korende Nyasae oorokirie obwanchani bwaye asetore ase ogotoma Kristo gokwa ase engencho yaito, ekero twarenge abanyene ebibe.”

Aba Rumi 14:9 “Naki Kristo nigo akwete, naende akaba moyo, erinde abe Omonene ase abare moyo nase abakure boigo.”

Aba Rumi 6:23 “Naki eng'eria y'ebibe namakweri; korende ekeegwa kia Nyasaye nobogima bwa kare nakare ase Yesu Kristo Omonene oito.”



Kristo agakwa asengencho y'ebibe biaito!

IV Ogotooreka nekeegwa, tari ase ogokora amaya. Goika bwegene ring'ana ria Nyasae naende omošemerie Yeso bweka!.

Ogotooreka n'okomwegena na komoarigania Yeso Kristo koba Omotooria. N'okwegena ekeene ng'a Yeso Kristo nakwete ase omosalaba o kalvari erio agoakanere ebibe biao! N'okomanya ng'a kende gionsi tikeiyo orakore erio onyare gwetooria otatiga komwegena Yeso Kristo agotoorie! Tari Ekanisa egotooria. Tari ebatiso, goše ogokora amaya, tari amasakramento, tari okwangama kw'ebibe, tari amasabo, tari okomenya obogima obuya —**TARI GENTO KENDE EKI ORANYARE GOKORA!**

Abaefeso 2:8-9 “Naki mwatoorigwe ase obuya, ase enchera y'okwegena; ayio tarwete asemore abannyene, korende nekeegwa kia Nyasae, goše tari ase ogokora, monto onde tacha gwetogia.”

Tito 3:5 Agatatooria, tari ase ogokora kw'oboronge twakorete intwe, korende ase amabera aye ase ogosibigwa goetera ase okoiborwa gwa kabere. Nabo agatokora abayia n'omoika omochenu.

Ogokora kwa Abatumwa 4:12 Gose ogotooreka tikori ase onde bwensi, ekiagera erieta rinde tirire inse ye erioba intwe mwanyabinto twaetwe eriranyare gototooria.



V Goika tobeke okwegena na ogosemeria kwao ase Kristo mbweka.

Aba Rumi 4:24 korende nas'engecho yaito, intwe abwo togocha kobarwa boigo, intwe aba tomwengenete ere oyomobogetie Yesu korwa as'amakweri, Omonene oito,

Aba Rumi 10:9-10,13 “Ekiagera koraokie nomonwa oo, ng'a Nyasae namobogetie korwa ime ase enkoro yao ng'a Nyasae namobogetie korwa ase abakure, notoorigwe. Naki ase enkoro omonto niga akwegena, erio onyora oboronge; na ase Omonwa oorokia, erio onyora ogtooreka. Ekiagera, “Onde bwensi orangerie erieta ri'Omonene natoorigwe.”



Onye kioganetie Yeso Kristo abe omotoria oo erio onyore okwaberwa kwe ebibe korwa ase Nyasae, saba ogosaba oko. Gosaba Ogosaba oko gose amasabo and tagogotooria. Nekero oramwegene Yeso Kristo nario oranyore okwaberwa kw'ebibe! Ogosaba oko nengencho yokomworokia Nyassae okwegena kwao na komoiranereria mbuya mono ase amabera aye.

“Omonene,

Nimanyete ing'a inche nomonyabibe. Nimanyete ninganeirie konyora onsi ayakoretwa nebibe, aya are amakweri nomorero otakoera. Ase igo namwegenire Yeso Kristo nere omotoria. Negenire ing'a ogokwa na okooroka kwaye kwaretire okwaberwa. Namwegenire Yeso na Yeso bweka koba Omonene ase ogontooria na kong'abera ebibe. Amina

**Onye gwasabire ogosaba oko - koreng'ana n'ering'ana ria Nyasae - AYE GWATOOREKIRE!
ALLELUYA!**

Aye nigo ogoteba, inche naki ntaigweti okoonchoreria konde. Rengereria? Ogotooreka tikori ase okoigwa kwao. **Nigo kore ase ogokora eki NYASAE ATEBIRE!**

Nyasae agateba, koramoariganie na komwegena Yeso Kristo, Gwatoorigwe. Rora amariko tari goteba ng'a 'keranyarekane' notoorigwe - korende nigo agoteba 'gwatoorigwe' **GWATOOREKIRE** naki, onde bwensi orangerie erieta ri'Omonene natoorigwe. Abarumi 10:13

Aye kwamwegenire Yeso Kristo? Rora eki Yohana 3:36 agoteba! Igo agoteba aye nigo ore n'OBOGIMA BWA KARE NA KARE! Tari Kero kende, gose keranyarekane, - KORENDE NIGO ORE - AYE GWATOOREKIRE!

Oyoramwanche Omwana nare nobogima bwa kare na kare; noyotamoigwereti Omwana takorora obogima, korende nendamwamu ya Nyasaye eramoikaransere.. Yohana 3:36

Mosani, onye gwasabire ogosaba oko, na kwamwariganirie Yeso Kristo - AYE GWATOOREKIRE! Ase ogosemeria obogima bwa kare na kare, obwo Nyasae, **OYOTARI KONG'AINERERIA**, ariete eira nyuma y'omochakano bw'ense Tito 1:2